

Тақдимот: Отинойилар учун қўлланма нашр этилди



13:00 / 16.11.2019 4276

Жорий йилнинг 14 ноябрь куни «Шайх Муҳаммад Содиқ Муҳаммад Юсуф» мажмуасининг анжуманлар залида отинойилар учун чоп этилган қўлланмаларнинг тақдимоти бўлиб ўтди.

Тақдимотда Дин ишлари бўйича қўмита, Ўзбекистон мусулмонлари идораси ходимлари, Хадичаи Кубро аёл-қизлар ўрта махсус Ислом билим юрти вакиллари, республикада, шунингдек, Тошкент шаҳри ва Тошкент вилоятида фаолият юритаётган отинойилар ҳамда «Мовароуннаҳр» нашриёти ходимлари иштирок этишди.

Тақдимот Дин ишлари бўйича қўмита, Ўзбекистон мусулмонлари идораси ҳамда «Hilol nashr» нашриёт-матбааси ҳамкорлигида ташкил этилди.

Ўзбекистон мусулмонлари идораси котибият мудирини Муҳаммад Аюбхон Ҳомидов тақдимотни очиб берди. Дин ишлари бўйича қўмитанинг Хотин-қизлар билан ишлаш бўлими мудирасини Фарида Абдурахимова, Ўзбекистон мусулмонлари идорасини хотин-қизлар масалаларини бўйича бўлим мутахассисини Марям Абдуллаева, Хадичаи Кубро аёл-қизлар ўрта махсус Ислом билим юрти мударрисасини, muslimaat.uz сайтининг раҳбарини Одинахон Муҳаммад Юсуф ўз маърузаларини билан иштирок этиб, бу қўлланмалар бугунги кунда республикамизда фаолият юритаётган отинийларимизга ниҳоятда зарур ва муҳим эканини таъкидлаб ўтишди.

«Hilol nashr» нашриётида чоп этилган мазкур қўлланмалар туркуми «Қуръон сабоқлари», «Ҳадис», «Ақийда», «Фикҳ», «Сийрат» ва «Жаноза» номли китобларидан иборат. Тадбирда отинийлар учун тақдим этилаётган ушбу қўлланманинг ҳар бири ҳақида уни тузишда иштирок этган муаллифларнинг фикрлари тингланди. «Қуръон сабоқлари» китобини Гулобод Қурбонова (Хадичаи Кубро аёл-қизлар ўрта махсус Ислом билим юрти мударрисасини), «Ҳадис» китобини Барно Саидрахмон («Hilol nashr» нашриёти муҳаррири), «Ақийда» китобини Одина Саидахмедова (Хадичаи Кубро аёл-қизлар ўрта махсус Ислом билим юрти мударрисасини), «Фикҳ» китобини Пошшахон Эшонхон қизи (Хадичаи Кубро аёл-қизлар ўрта махсус Ислом билим юрти мударрисасини), «Сийрат» китобини Нозима Ибрагимова (Хадичаи Кубро аёл-қизлар ўрта махсус Ислом билим юрти мударрасини) ва «Жаноза» китобини устоз Роҳила Хайруллаевалар тақдим қилиб, ушбу қўлланмаларнинг мазмуни ҳамда уларни нашрга тайёрлаш жараёни ҳақида сўзлашди.

Умид қиламизки, ушбу қўлланмалар аёлларимизнинг диний саводхонлигини ошириш, динимизга тўғри амал қилиш, тўй маросимларидаги бидъат-хурофотларга барҳам беришда, шунингдек, отинийларимизнинг Қуръони Карим, ҳадис, ақоид, фикҳ, сийрат каби илмлардаги савиясини оширишга хизмат қилади.

Дарҳақиқат, ушбу қўлланмалар нафақат отинийлар қолаверса, барча мўмин-мусулмонлар учун ҳам муҳимдир. Сўнги йилларда диний илмларни кенг ўрганишга имкониятлар яратилиб, ақийда илмига доир бир қанча адабиётлар чоп этилган бўлса-да, ушбу илмни ўрганишга ҳамон эҳтиёж сезилмоқда. Шу боисдан ҳам Ақийдага оид қўлланма ўқувчиларга қулай бўлиш мақсадида 100 та савол-жавоб шаклида тузилган.

Ҳар бир мўмин-мусулмон ўз зиммасидаги фарз амалларини билиши ва уларга амал қилиши шартдир.

Расулуллоҳ соллаллоҳу алайҳи васаллам марҳамат қилдилар:

«Илм талаб қилиш ҳар бир мусулмон эркак ва аёл зиммасига фарздир».

Хусусан, камолот чўққисига кўтарилган шахсларнинг ҳаётларини ўрганиб чиққан инсон борки, буюк шахслар ортида қайсидир аёлнинг кўмаги, тарбияси намоён бўлади. Отинойиларга оид қўлланмада «Ислом ва иймон», «Таҳорат», «Ғусл», «Таяммум», «Намоз», «Қибла масаласи», «Имом Абу Ҳанифа мазҳабидаги аёллар учун намоз ўқиш қоидалари» ва шу каби фикҳий масалалар ўқувчи учун содда қилиб берилган.

Умар розияллоҳу анҳудан ривоят қилинади:

«Набий соллаллоҳу алайҳи васаллам: **«Яхшиларингиз — Қуръонни ўрганганларингиз ва уни ўргатганларингиздир»**, дедилар.

Бухорий, Абу Довуд ва Термизий ривоят қилган.

Кейинги қўлланма «Қуръон сабоқлари» бўлиб, унинг ўзига хослиги араб алифболарини янги ўрганувчиларга қулай ва осон бўлиши учун ҳарф махражлари расмлари билан берилган. Шунингдек, ҳижойи ҳарфларнинг ҳар бири ҳақида кенгроқ маълумотлар, уларнинг талаффузига, сифатларига оид изоҳлар, қўшиб ўқилиши жадваллар билан батафсил баён қилинган. Бундан ташқари ўқувчилар учун ҳусниҳат сабоқлари ҳам киритилган.

Расулуллоҳ соллаллоҳу алайҳи васаллам марҳамат қилдилар:

«Менинг гапимни эшитиб, сингдириб, ёдлаб, сўнгра етказган одамни Аллоҳ неъматлантисин».

Имом Аҳмад ривоят қилган.

Шак-шубҳа йўқки, Аллоҳ таолонинг охирги ва мукамал дини — Исломнинг биринчи масдари, ҳукмлари ва таълимотларининг асосий манбаи Қуръони Каримдир. Сўнгра Пайғамбаримиз соллаллоҳу алайҳи васалламнинг суннатлари эканлиги кўпчилик мўмин-мусулмонларга маълум. Бироқ Набий соллаллоҳу алайҳи васалламнинг сўзларини, амалларини билмай туриб, Исломни билдим, унга амал қилдим дейиш мутлақо тўғри эмас. Шу нуқтаи назардан келиб чиқиб, отинойилар мактабининг навбатдаги дарслиги ҳадис илмларига бағишланди. Бу мухтасар рисолада Муҳаммад соллаллоҳу алайҳи васалламнинг энг долзарб, кенг қамровли, ўзида гўзал маъноларни

мужассам этган ҳадисларидан намуналар жамланган. Ушбу қўлланмада келтирилган ҳадислар ва уларга боғлиқ истилоҳлар уммондан бир томчи холос. Шояд уларни ўқиб ўрганган ўқувчиларда ҳадис илмига бўлган қизиқиш ортса, динда фақиҳ бўлишга ҳаракат қилсалар, келажак авлодга, ёшларимизга ўрнак бўлишса.

Бундан ташқари «Сийрат» ва «Жаноза» га оид масалалар ҳам ўрин олган.

Шунингдек, ушбу қўлланманинг видео иловаси ҳам тайёрланган.

Маълумот ўрнида юқоридаги қўлланмалар «Hilol-nashr» нашриёти томонидан сиз ўқувчиларга тақдим этилди.

Image not found or type unknown




Image not found or type unknown



Image not found or type unknown



Image not found or type unknown



Image not found or type unknown



Image not found or type unknown



Islom.uz портали таҳририяти